Chueri und Rägel

Objekttyp: Group

Zeitschrift: Nebelspalter : das Humor- und Satire-Magazin

Band (Jahr): **76 (1950)**

Heft 51

PDF erstellt am: **29.06.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern. Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Ein Dienst der *ETH-Bibliothek* ETH Zürich, Rämistrasse 101, 8092 Zürich, Schweiz, www.library.ethz.ch



Die Weihnachtsausstellung

Söndagsnisse-Strix

Aasichts-Charte mit Verschpöötig

Dr Männerchor vo Bächlimatt het e Schwiizerreis gmacht — natürlig numme d Manne; s wär z umschtändlig gsy, wenn me d Frauen au no hät welle mitnee.

Item — si si inre große Schtadt übernachtet und heis emmel gmüetlig gha. Und am Sunntigzoben isch das Trüppeli Manne zwäg und ufrächt wider heicho.

Am Zischtig isch im Vereinspräsidänt sy Frau irem Ma gegenüber e bitz wunderlig gsy, am Mittwuchen isch si ummegschosse wien e Hurnussen und am Dunnschtig ischs denn losgange: Alli Manne vom Gsangverein heigen ire Frauen e Charte heimgschiggt, nummen är heig das nit für nötig gfunde. Öb er öbbe neumen e Gschleif gha heig, as er s Primitivschti, wo me vomene Machönn verlange, vergässe heig ...

Potz, het si jetz dr Guschti afo weere: «Natürlig hani au eini gschiggt, e schöni mit de Schneebärge druff! I weiß es, as i se ygworfe ha. I ha no dänggt, was die jetz au für chätzers Briefchäschte heige, i ha die Charte chuum zum Schlitz ybrocht, eso äng isch dä gsy...

Alles Schwätze het nüt gnutzt, die Charten isch halt eifach nit acho.

Do, öbbe drei Wuche druf isch e Brief vo dr «Ständigen Feuerwache» vo säller Schtadt cho und im Guwärt innen isch im Guschti sy Charte gsy. Ufeme Zedeli hets gheiße, die Aasichtscharte sig bynre Kontrollen imene öffentlige Fürmälder an dr Schtroß Soundso gfunde worde.

Jä nu, de channschs eim abem Land nit für übel nee, wenn er znacht e Füürmälder mit me Briefchaschte tuet verwächsle. Und denn erscht no inre wildfremde Schtadt!



Alles für das Kind!

Riesengroße Hausfassade, Kartonsamichläuse, fade. Neonlichtbestrahlte Wände – – Ach, das spricht allein schon Bände!

Schauerfensterlichterkranz, Esel drin mit Nylonschwanz, Krippenspiel – bengalischrot, Königsstern aus Wegglibrot.

Jesuskindlein liegt im Stroh Unzerbrechlich — sowieso. Thema welches hier behandelt? Weihnachtsfreude — leicht verschandelt.

Was ist paradox?

Wenn eine Mutter, um endlich Ruhe zu haben, ihren Buben Trommel und Trompete kauft. A



Chueri und Rägel

«Chueri, chönntisch mer nid öppe füfzg bis hundert Kilo Geißechäs reserviere?»

«Rägel, du söttisch Babe heißel Erschtens isch s Hamschtere im Augeblick echli zur Moden us, zweitens schlaat sicher alles andere eener uf als der Geißechäs.»

«Chueri, du häsch sicher s Blettli nonig gläse. Lis nu emal, was en Puuretokter schriibt: 'Wir haben jetzt im Bundesrat ein ganzes Schärlein Bauernbuben beieinander. Wenn sie zusammenstehen und einander verstehen, sollte man meinen, daß sie etwas ausrichten können, falls es gilt, die offizielle gute Meinung unserer Exekutive bei und gelegentlich auch gegen den ihr zur Mitarbeit an die Hand gegebenen Beamtenstab durchzusetzen.' Verschtaasch das, Chueri?»

«Die gute Meinung bei den Beamtenstab durchzusetzen? – Nei, das verschtaani nid; isch das Tüütsch?»

«Hä, allwäg Puuretoktertüütsch. Wenn d wiiter lisich, so merksch, daß es dä Herr Tokter freut, daß der Bundesrat wider emal umgheit isch mit em Milchpriis-Entscheid vom Früelig. Di Beamte händ allwäg e guets Gedächtnis gha.»

«Henu, Rägel, emal mee oder emal weniger, das schpilt gwüß kei Rolle me. Wenn me uf gnueg Umgheie träniert hät, so machts eim nümme vil.»

«Und grad wäge däm hani halt gwüssi Befürchtige wägem Geißechäs.»

«Aha! Bisch doch nid di Tümmscht, Rägel.» AbisZ